

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva finansija, Vlada Zeničko-dobojskog kantona, na nastavku 53. sjednice, održanom 17.02.2012. godine, d o n o s i

ZAKLJUČAK

I.

Prima se na znanje Informacija o ostvarenim prilivima u Budžet Zeničko-dobojskog kantona za period januar 2012. godine i period 01.02.-13.02.2012. godine.

II.

Zadužuju se svi budžetski korisnici da ne stvaraju obaveze veće od procenta ostvarenja prihoda u prethodnom mjesecu, kako ne bi ugrozili likvidnost budžeta i isplatu osnovnih obaveza prema uposlenicima, te ostalih zakonskih obaveza iz nadležnosti Kantona.

III.

Zadužuju se rukovodioci svih budžetskih korisnika da, uzimajući u obzir trend ostvarenja prihoda izvrše revidiranje veličina utvrđenih u Nacrtu budžeta za 2012.godinu i unutar istih pronađu mogućnost odgovarajućih ušteda u cilju realne projekcije Budžeta za 2012. godinu.

IV.

Revidirane planske veličine dostaviti Ministarstvu finansija u roku od 10 dana od dana donošenja ovog zaključka.

V.

Ovaj zaključak stupa na snagu danom donošenja.

Broj: 02-_____/12.
Datum, 17.02.2012. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Sva ministarstva i druga tijela kantonalne uprave,
1x Stručna služba Skupštine,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
MINISTARSTVO FINANSIJA**

I N F O R M A C I J A
o ostvarenim prilivima u Budžet Zeničko-dobojskog kantona za period januar
2012.godine i period 01.02.-13.02.2012.godine

Zenica, februar 2012. godine

UVOD

Shodno Zaključku Vlade sa 53. sjednice održane 17.12.2012.godine dostavljamo Vam Informaciju o ostvarenim prilivima u Budžet Zeničko-dobojskog kantona za period januar 2012.godine i period 01.02.-13.02.2012. godine

U Nacrtu Budžeta za 2012.godinu, mjesečni plan priliva i prihoda iznosi 22.994.042 KM. Izvršenje priliva za januar 2012. godinu je 17.985.104 KM, što je u odnosu na mjesečni plan iz Nacrta Budžeta za 2012. godinu 78,21%, dok za uporedni period 2011. godine iznosi 96,93%.

Projekcije prihoda u ovoj Informaciji, obzirom na neusvajanje Prijedloga Budžeta Zeničko-dobojskog kantona za 2012. godinu i neizvjesnost budžetskog planiranja, urađena je na osnovu III. revidirane projekcije od strane Federalnog ministarstva finansija i to za prilive po osnovu:

- indirektnih poreza,
- poreza na dobit i
- poreza na dohodak,

dok su ostali prilivi projicirani shodno projekcijama Ministarstva finansija Zeničko-dobojskog kantona.

Ukupno ostvarenje priliva Zeničko-dobojskog kantona u periodu januar 2012. godine iznosi 17.985.104 KM, što predstavlja smanjenje od 17% u odnosu na plansku veličinu i smanjenje od 3% u odnosu na uporedni period 2011. godine.

- Prilivi od poreza sa učešćem od 82% u ukupnim prilivima iznose 14.812.919 KM i isti su manji za 9% u odnosu na plansku veličinu i za 4% u odnosu na isti period prošle godine.
- Porez na dobit iznosi 272.654 KM i za 31% je manji u odnosu na ostvarenje u istom periodu prošle godine, a u odnosu na plansku veličinu je evidentno smanjenje za 69%.
- Porez na dohodak iznosi 1.453.984 KM, te je za 11% veći u odnosu na uporedni period 2011. godine i za 22% manji u odnosu na plansku veličinu.
- Prilivi od indirektnih poreza koji pripadaju kantonima iznose 13.059.581 KM i za 5% su manji u odnosu na isti period prošle godine, a u odnosu na plansku veličinu su manji za 15%.
- Ostvarenje neporeznih priliva u periodu januar 2012. godine iznosi 778.024 KM, što predstavlja smanjenje od 11% u odnosu na uporedni period 2011. godine i 1% u odnosu na plansku veličinu.
- Ostvarenje priliva po osnovu potpora (grantova) iznosi 248.928 KM i u odnosu na uporedni period prošle godine je evidentno povećanje od 33% u odnosu na uporedni period, te povećanje od 1% u odnosu na plansku veličinu.
- Kod priliva namjenskih sredstava koji iznose 1.577.093 KM se također može uočiti povećanje od 24% u odnosu na uporedni period i smanjenje za 4% u odnosu na plansku veličinu.
- Prilivi od indirektnih poreza koji pripadaju Kantonalnoj direkciji za ceste iznose 346.826 KM, te su za 4% manji u odnosu na isti period prošle godine i za 52% u odnosu na plansku veličinu.
- Ostvarenje vlastitih priliva iznosi 520.698 KM i za 19% su manji u odnosu na isti period prošle godine, a u odnosu na plansku veličinu su povećani za 24%.
- Prilivi od privatizacije su značajno smanjeni i iznose 67.442 KM, što predstavlja smanjenje od 25% u odnosu na uporedni period 2011. godine i 76% u odnosu na plansku veličinu.

Ukupno ostvarenje priliva Zeničko-dobojskog kantona u periodu 01.01.-13.02.2012. godine iznosi 5.292.158 KM, što predstavlja smanjenje od 36 % u odnosu na plansku veličinu i smanjenje od 9% u odnosu na uporedni period 2011. godine.

- Prilivi od poreza sa učešćem od 81% u ukupnim prilivima iznose 4.311.479 KM i isti su manji za 38% u odnosu na plansku veličinu i za 7% u odnosu na isti period prošle godine.
- Porez na dobit iznosi 124.704 KM i za 14% je veći u odnosu na ostvarenje u istom periodu prošle godine, a u odnosu na plansku veličinu je evidentno smanjenje za 62%.
- Porez na dohodak iznosi 722.923 KM, te je za 4% manji u odnosu na uporedni period 2011. godine i za 1% veći u odnosu na plansku veličinu.
- Prilivi od indirektnih poreza koji pripadaju kantonima iznose 3.347.204 KM i za 4% su manji u odnosu na isti period prošle godine, a u odnosu na plansku veličinu su manji za 43%.
- Ostvarenje neporeznih priliva u periodu 01.02.-13.02.2012. godine iznosi 311.086 KM, što predstavlja smanjenje od 19% u odnosu na uporedni period 2011. godine i 9% u odnosu na plansku veličinu.
- Ostvarenje priliva po osnovu potpora (grantova) iznosi 52.451 KM i u odnosu na uporedni period prošle godine je evidentno smanjenje od 61%, te smanjenje od 44% u odnosu na plansku veličinu.
- Kod priliva namjenskih sredstava koji iznose 287.700 KM se također može uočiti smanjenje od 24% u odnosu na uporedni period i 53% u odnosu na plansku veličinu.
- Prilivi od indirektnih poreza koji pripadaju Kantonalnoj direkciji za ceste iznose 88.912 KM, te su za 3% manji u odnosu na isti period prošle godine i za 68% u odnosu na plansku veličinu.
- Ostvarenje vlastitih priliva iznosi 304.723 KM i za 15% su veći u odnosu na isti period prošle godine, a u odnosu na plansku veličinu imaju značajan procenat povećanja za 91%.
- Prilivi od privatizacije su značajno smanjeni i iznose 24.719 KM, što predstavlja smanjenje od 56% u odnosu na uporedni period 2011. godine i 77% u odnosu na plansku veličinu.